



□ 12
3429
6



門 12
號 3429
卷 6



周禮卷三十四

秋官司寇第五

惟王建國。辨方正位。體國經野。設官分職。以為民極。乃立秋官司寇。使帥其屬而掌邦禁。以佐王刑邦國。

禁所以防姦者也。刑正人之法。孝經說曰。刑者。罰也。過出罪施。

刑官之屬。大司寇卿一人。小司寇中大夫二人。士師下大夫四人。鄉士上士八人。中士十有六人。旅下士三十有二人。


同禮

大司寇刑官之屬

文選

漢大司農北海鄭玄註

皇明後學東吳葛藹訂



早稻田大學圖書館
3411.6
藏書

士察也。主察獄訟之事者。鄭司農說以詰語曰。柳下惠為士師。鄉士主六鄉之獄。

府六人。史十有二人。胥十有二人。徒百有二十人。
遂士中士十有二人。府六人。史十有二人。胥十有二人。徒百有二十人。

遂士主六遂之獄者。

縣士中士三十有二人。府八人。史十有六人。胥十有六人。徒百有六十人。

距王城三百里至四百里。曰縣。縣士主縣之獄者。

方士中士十有六人。府八人。史十有六人。胥十有六人。徒百有六

十人。

方士主四方都家之獄者。

訝士中士八人。府四人。史八人。胥八人。徒八十人。

訝迎也。士官之迎四方賓客。○訝五嫁反。

朝士中士六人。府三人。史六人。胥六人。徒六十人。

朝士主外朝之注。○朝直逢反。卷內同。

司民中士六人。府三人。史六人。胥三人。徒三十人。

司民主民數。

司刑中士二人。府一人。史二人。胥二人。徒二十人。

司刺下士二人。府一人。史二人。徒四人。

刺殺也。三訊罪定則殺之。

司約下士二人。府一人。史二人。徒四人。

約言語之約束。

司盟下士二人。府一人。史二人。徒四人。

盟以約辭告神殺牲歃血明著其信也。曲禮曰。涖牲曰盟。

職金上士二人。下士四人。府二人。史四人。胥八人。徒八十人。

職主也。

司厲下士二人。史一人。徒十有二人。

犯政為惡曰厲。厲士主盜賊之兵器及其奴者。

犬人下士二人。府一人。史二人。賈四人。徒十六人。

○賈音嫁。又音古。

司圜中士六人。下士十有二人。府三人。史六人。胥十有六人。徒百有六十人。

鄭司農云。圜謂圜土也。圜土謂獄城也。今獄城曰圜。司圜職中言凡圜土之刑人也。以此知圜謂圜土也。又大司寇職曰。以圜土聚教罷民。故司圜職曰。掌收教罷民。○罷音皮。

掌囚下士十有二人。府六人。史十有二人。徒百有二十人。

囚拘也。主拘繫當刑殺之者。

司豐

司寇刑官之屬

掌戮下士二人史一人徒十有二人。

戮猶辱也既斬殺又辱之

司隸中士二人下士十有二人府五人史十人胥二十人徒二百人。

隸給勞辱之役者漢始置司隸亦使將徒治道溝渠之役後稍尊之使主官府及近郡

罪隸百有二十人。

盜賊之家為奴者

蠻隸百有二十人。

征南夷所獲

閩隸百有二十人。

閩南蠻之別

夷隸百有二十人。

征東夷所獲

貉隸百有二十人。

征東北夷所獲凡隸眾矣此其選以為役員其餘謂之隸○貉音陌

布憲中士二人下士四人府二人史四人胥四人徒四十人。

憲表也主表刑禁者

禁殺戮下士二人史一人徒十有二人。

司豐

司寇刑官之屬

永懷堂

禁殺戮者禁民不得相殺戮

禁暴氏下士六人史三人胥六人徒六十人

野廬氏下士六人胥十有二人徒百有二十人

廬賓客行道所舍

蜡氏下士四人徒四十人

蜡骨腐臭蠅蟲所蜡也月令曰掩骼埋骹此官之職也蜡讀如狙司之狙

雍氏下士二人徒八人

雍謂隄坊止水者也

萍氏下士二人徒八人

鄭司農云萍讀為蚌或為萍號起雨之萍玄謂今天問萍號作萍爾雅曰萍萍其大者蘋讀如小子言平之平萍氏主水禁萍之草無根而浮取名於其不沉溺○蚌蒲丁反

司寤氏下士二人徒八人

寤覺也主夜覺者○覺音教

司烜氏下士六人徒十有六人

烜火也讀如衛侯燬之燬故書燬為垣鄭司農云當為烜○烜音毀注燬同垣音袁

條狼氏下士六人胥六人徒六十人

杜子春云條當為滌器之滌玄謂滌除也狼扈道上○條音滌注同

修閭氏下士二人史一人徒十有二人

閭謂里門

冥氏下士二人徒八人

鄭司農云冥讀為冥氏春秋之冥玄謂冥方之冥以繩糜取禽獸之名

庶氏下士一人徒四人

庶讀如藥煮之煮驅除毒蟲之言書不作盡者字從聲○庶音煮

穴氏下士二人徒四人

穴搏蟻獸所藏者

翬氏下士二人徒八人

翬鳥翻也鄭司農云翬讀為翬翼之翬○翬音翬

柞氏下士八人徒二十人

柞除木之名除木者必先刊剥之鄭司農云柞讀為音聲借借之借屋竿之竿○柞側百反注竿皆同

雉氏下士二人徒二十人

書雉或作夷鄭司農云掌殺草故春秋傳曰如農夫之務去草芟夷蘊崇之又今俗間謂麥下為夷下言芟夷其麥以其下種禾豆也玄謂雉讀如鬚小兒頭之鬚書或作夷此皆翦草也字從類耳月令曰燒雉行水謂燒所芟草乃水之○雉或作雉同它計反去起呂反芟所銜反鬚它計反

荇蒺氏下士一人徒二人

鄭司農云荇讀為藪蒺讀為爵蒺之蒺謂巢也玄謂荇古字從石折聲○荇音摘

翦氏下士一人徒二人

剪斷滅之言也主除蠱
蠱者詩云實始翦商

赤友氏下士一人徒二人

赤友猶言拈拔也主除虫
豸自埋者○拈采音反

蝮氏下士一人徒二人

鄭司農云蝮讀為蝮蝮蝮墓也月令曰蝮蝮鳴故曰掌去蝮蝮
蝮蝮蝮墓屬書或為為掌去蝮墓玄謂蝮今御所食蛙也字從虫
國聲也蝮乃短狐與○蝮古獲反蝮音或蝮
音遐墓音麻蝮戶蝮反蝮莫辛反蛙戶蝮反

壺涿氏下士一人徒二人

壺謂反鼓涿擊之也故書涿為獨鄭司農云獨
讀為濁其源之濁音與涿相近書亦或為濁

庭氏下士一人徒二人

庭氏主射妖鳥令國中黎
清如庭者也○射食亦反

銜枚氏下士二人徒八人

銜枚止言語踴躍也枚狀如著橫銜之為之
纏結於項○躡五高反纏戶卦反又胡麥反

伊耆氏下士一人徒二人

伊耆古王者號始為蜡以息老物此主王者之齒杖後王識伊
耆氏之舊德而以名官與今姓有伊耆氏○耆巨之反蜡仕詐
反

天行人中大夫二人小行人下大夫四人司儀上士八人中士十

有六人行夫下士三十有二人府四人史八人胥八人徒八十人

行夫主國使之
禮○使所吏反

環人中士四人史四人胥四人徒四十人。

環猶圍也主圍賓客任器為之守衛

象胥每翟上士一人中士二人下士八人徒二十人。

通夷狄之言者曰象胥其有才知者也此類之本名東方曰寄南方曰象西方曰狄鞮北方曰譯合總名曰象者周之德先致南方也。○知音智鞮丁兮反譯音亦

掌客上士二人下士四人府一人史二人胥二人徒三十人。

掌訝中士八人府二人史四人胥四人徒四十人。

訝迎也賓客來主迎之鄭司農云訝讀為跛者訝跛者之訝。○跛波可反

掌交中士八人府二人史四人徒三十有二人。

主交通結諸侯之好

掌察四方中士八人史四人徒十有六人。

掌貨賄下士十有六人史四人徒三十有二人。

朝大夫每國上士二人下士四人府一人史二人庶子八人徒二十人。

此王之士也使主都家之國治而命之朝大夫云

都則中士一人下士二人府一人史二人庶子四人徒八十人。

都則主都家之八則者也當言每都如朝大夫及都司馬云

都士中士二人下士四人府二人史四人胥四人徒四十人。家士

司農

卷三

司寇刑官之屬

八

承懷堂

亦如之。

都家之士，主治都家吏民之獄。訟以告方士者也，亦當言每都。

大司寇之職，掌建邦之三典，以佐王刑邦國，詰四方。

典，法也。詰，謹也。書曰：王耄荒度。作詳刑以詰四方。○度，待洛反。

一曰刑新國用輕典。

新國者，新辟地立君之國，用輕法者，為其民未習於教。○為于僞反。

二曰刑平國用中典。

平國，承平守成之國也。用中典者，常行之法。

三曰刑亂國用重典。

以五刑糾萬民。

刑，亦法也。糾，猶察異之。

一曰野刑，上功糾力。

功，農功。力，勤力。

二曰軍刑，上命糾守。

命，將命也。守，不失部伍。○守音符。將，子匠反。

三曰鄉刑，上德糾孝。

德，六德也。善。父母為孝。

亂國，篡弑叛逆之國，用重典者，以其化惡伐滅之。

四曰官刑。上能糾職。

能能其事也。職職事修理。

五曰國刑。上愿糾暴。

愿慤慎也。暴當為恭字之誤也。

以園土聚教罷民。

園土，獄城也。聚罷民其中，困苦以教之為善也。民不慤作勞有似於罷。罷音皮，慤音敏。

凡害人者，寘之園土而施職事焉，以明刑恥之。

害人謂為邪惡，已有過失，麗於法者，以其無故犯法，寘之園土，繫教之，庶其困悔而能改也。寘置也。施職事以所能役使之明刑，書其罪惡於大方版，著其背。著丁略反。

其能改者，反于中國，不齒三年。

反于中國，謂舍之還於故鄉里也。司園職曰：上罪三年而舍，中罪二年而舍，下罪一年而舍。不齒者，不得以年次列於平民。

其不能改而出園土者殺。

出謂逃亡。

以兩造禁民訟，入束矢於朝，然後聽之。

訟謂以財貨相告者。造至也。使訟者兩至，既兩至，使人束矢，乃治之也。不至不入束矢，則是自服不直者也。必入矢者，取其直也。詩曰：其直如矢。古者一弓百矢，束矢其百簡與。造七報反。

以兩劑禁民獄，入鈞金三日，乃致于朝，然後聽之。

獄謂相告以罪名者。劑，今券書也。使獄者各齎券書，既兩齎書，使入鈞金，又三日，乃治之。重刑也。不券書不入金，則是亦自服。

不直者也。必入金者取其堅也。三十斤曰鈞。○齊子隨反。

以嘉石平罷民

嘉石。文石也。樹之外朝門左。平成也。成之使善。

凡萬民之有罪過而未麗於灋。而害於州里者。桎梏而坐諸嘉石。役諸司空。重罪旬有三日坐。暮役。其次九日坐。九月役。其次七日坐。七月役。其次五日坐。五月役。其次下罪三日坐。三月役。使州里任之。則宥而舍之。

有罪過。謂邪惡之人所罪過者也。麗。附也。未附於灋。未著於灋也。木在足曰桎。在手曰梏。役諸司空。坐日訖。使給百工之役也。役月訖。使其州里之人任之。乃赦之。宥。寬也。○著。直略反。

以肺石達窮民。

肺石。赤石也。窮民。天民之窮而無告者。

凡遠近惇獨老幼之欲有復於上。而其長弗達者。立於肺石。三日士聽其辭。以告於上。而罪其長。

無兄弟曰惇。無子孫曰獨。復。猶報也。上。謂王與六卿也。報之者。若上書諸公府言事矣。長。謂諸侯若鄉遂大夫。○傳。其管反。長。丁丈反。上。時掌反。

正月之吉。始和。布刑于邦國都鄙。乃縣刑象之灋于象魏。使萬民觀刑象。挾日而歛之。

正月朔日布五刑於天下。正歲又縣其書。重之。○縣音玄。

凡邦之大盟約。涖其盟書而登之于天府。

涖臨也。天府。祖廟之藏。藏才浪反。

大史內史司會及六官皆受其貳而藏之。

六官。六卿之官也。貳。副也。

凡諸侯之獄訟以邦典定之。

邦典。六典也。以六典待邦國之治。

凡卿大夫之獄訟以邦灋斷之。

邦灋。八灋也。以八灋待官府之治。斷。下亂反。

凡庶民之獄訟以邦成弊之。

邦成。八成也。以官成待萬民之治。故書弊為懲。鄭司農云。懲當為弊。邦成謂若今時決事比也。弊之。斷其獄訟也。故春秋傳曰。弊獄邢侯。弊必世反。

大祭祀奉犬牲。

奉。猶進也。

若禋祀五帝則戒之日涖誓百官戒于百族。

戒之日。卜之日也。百族。謂府史以下也。郊特牲曰。卜之日。王立于澤。親聽誓命。受教諫之義也。獻命。庫門之內。戒百官也。太廟之內。戒百姓也。

及納亨。前王祭之日亦如之。

納亨。致牲也。亨。普庚反。

奉其明水火。

明水火所取於日月者。

凡朝覲會同前王大喪亦如之。

大喪所前或嗣王。

大軍旅涖戮于社。

社謂社主在軍者也。鄭司農說以書曰用命賞于祖不用命戮于社。

凡邦之大事使其屬蹕。

屬士師以下也。故書蹕作避。杜子春云避當為辟。謂辟除姦人也。玄謂蹕止行也。○蹕本亦作蹕音畢。

周禮卷三十四

終

周禮卷三十五

漢大司農北海鄭玄註

皇明後學東吳金蟠訂

司寇刑官之職

小司寇之職掌外朝之政以致萬民而詢焉。一曰詢國危。二曰詢

國遷。三曰詢立君。

外朝朝在雉門之外者也。國危謂有兵寇之難。國遷謂徙都改邑也。立君謂無冢適選於庶也。鄭司農云致萬民聚萬民也。詢謀也。詩曰詢于芻蕘。書曰謀及庶人。○難乃且反。適于歷反。

其位王南鄉三公及州長百姓北面羣臣西面羣吏東面。

周禮

卷三十五司寇刑官之職

永懷堂

羣臣卿大夫士也羣吏府吏也其孤不見者孤從羣臣卿大夫在公後○鄉許亮反長丁丈反見賢遍反

小司寇擯以敘進而問焉以衆輔志而弊謀

擯謂揖之使前也叙更也輔志者尊王賢明也○更音庚

以五刑聽萬民之獄訟附于刑用情訊之至于旬乃弊之讀書則

用灋

附猶著也故書附作付訊言也用情理言之異有可以出之者卜日乃斷之王制曰刑者側也側者成也一成而不可變故君子盡心焉鄭司農云讀書則用灋如今時讀鞫已乃論之○鞫九去反

凡命夫命婦不躬坐獄訟

命夫命婦者其男子之爲大夫者命婦者其婦人之爲大夫者

之妻者春秋傳曰衛侯與元咺訟寧武子爲輔鍼嚴子爲坐士築爲大理○爲治于僞反咺况阮反鍼其廉反嚴左傳作莊案莊故爲嚴子春鄭司農云讀書則用灋如

凡王之同族有罪不卽市

鄭司農云刑諸甸師氏禮記曰刑于隱者不與國人慮兄弟

以五聲聽獄訟求民情

一曰辭聽

觀其出言不直則煩

二曰色聽

觀其顏色不直則赧然○赧女板反

三曰

司寇刑官之職

三曰氣聽

觀其氣息不直則喘。喘昌充反。

四曰耳聽

觀其聽聰不直則惑。

五曰目聽

觀其眸子視不直則眊。眊莫報反。

以八辟麗邦灋附刑罰

辟灋也。杜子春讀麗為羅。玄謂麗附也。易曰日月麗乎天。故書附作付。附猶著也。

一曰議親之辟

鄭司農云。若今時宗室有罪先請是也。

二曰議故之辟

故謂舊知也。鄭司農云。故舊不遺則民不偷。

三曰議賢之辟

鄭司農云。若今時廉吏有罪先請是也。玄謂賢有德行者。行下孟反。

四曰議能之辟

能謂有道藝者。春秋傳曰。夫謀而鮮過。惠訓不倦者。叔向有焉。社稷之固也。猶將十世宥之。以勸能者。今壹不免其身。以棄社稷。不亦惑乎。夫音扶。鮮息淺反。向許亮反。

五曰議功之辟

鄭司農云。若今時宗室有罪先請是也。

謂有大勳勞立功者

六曰議貴之辟。

鄭司農云若今時吏墨綬有罪先請是也

七曰議勤之辟。

謂憔悴以事國

八曰議賓之辟。

謂所不臣者三恪二代之後與

以三刺斷庶民獄訟之中。

中謂罪正所定○斷丁亂反後同

一曰訊羣臣。二曰訊羣吏。三曰訊萬民。

刺殺也。三訊罪定則殺之。訊言也。

聽民之所刺宥以施上服下服之刑。

宥寬也。民言殺殺之言寬寬之上服。刺墨也。下服。宮刑也。○刺魚器反。刑音月。

及大比登民數自生齒以上登于天府。

大比三年大數民之眾寡也。人生齒而體備男八月而生齒女七月而生齒。○此毗志反。上時掌反。

內史司會冢宰貳之以制國用。

人數定而九賦可知國用乃可制取

小祭祀奉犬牲。

司農

卷三五 司寇刑官之職

庸

奉猶進也

凡禋祀五帝。實鑊水。納亨亦如之。

納亨致牲也。其時鑊水當以洗解牲體肉。鑊戶郭反。

大賓客。前王而辟。

鄭司農云。小司寇為王道辟除姦人也。若今時執金吾下。至今尉奉引矣。辟婢亦反。後而辟皆放此道音導。

后世子之喪亦如之。

小師涖戮。

小師王不自出之師。

凡國之大事。使其屬蹕。

蹕三日。隨萬里。

屬士師以下

孟冬祀司民。獻民數於王。王拜受之。以圖國用而進退之。

司民。星名。謂軒轅角也。小司寇於祀司民而獻民數於王。重民也。進退。猶損益也。國用。民眾則益。民寡則損。

歲終則令羣士計獄弊訟。登中于天府。

上其所斷獄訟之數

正歲帥其屬而觀刑象。令以木鐸曰。不用灋者。國有常刑。令羣士。

羣士。遂士以下

乃宣布于四方。憲刑禁。

宣。徧也。憲。表也。謂縣之也。刑。禁士師之五禁。

司農

司寇刑官之職

五

承復堂

乃命其屬入會乃致事

得其屬之計乃令致之於王
○會古外反後要會皆放此

士師之職掌國之五禁之灋以左右刑罰一曰宮禁二曰官禁三

曰國禁四曰野禁五曰軍禁皆以木鐸徇之于朝書而懸于門間

左右助也助刑罰者助其禁民為非也宮王宮也官官府也國城中也古之禁盡亡矣今宮門有簿籍官府有無故擅入城門有離載下帷野有田律軍有躡籬夜行之禁其擁可言者○縣音玄擁音粗

以五戒先後刑罰毋使罪麗于民一曰誓用之于軍旅二曰誥用

之于會同三曰禁用諸田役四曰糾用諸國中五曰憲用諸都鄙

先後猶左右也誓誥於書則甘誓湯誓大誥康誥之屬禁則軍禮曰無干車無自後射此其類也糾憲未有聞焉○射食亦反

掌鄉合州黨族閭比之聯與其民人之什伍使之相安相受以比追胥之事以施刑罰慶賞

鄉合鄉所合也追追寇也胥讀如宿胥之胥
胥謂司搏盜賊也○比毗志反比追如字

掌官中之政令

大司寇之官府中也

察獄訟之辭以詔司寇斷獄弊訟致邦令

詔司寇若今白聽正灋解也致邦令者以灋報之

掌士之八成

鄭司農云八成者行事有八篇若今時決事比○比必利反

司農

卷三 司寇刑官之職

一曰邦汙。

鄭司農云汙讀如酌酒樽中之酌國汙者斟酌盜取國家密事若今時刺探尚書事○汙上灼反刺七亦反

二曰邦賊。

為逆亂者

三曰邦謀。

為異國反間○間間廁之間

四曰犯邦令。

干昌王教令者○昌音墨

五曰撝邦令。

稱詐以有為者○撝音矯

六曰為邦盜。
竊取國之寶藏者○藏才浪反

七曰為邦朋。
朋黨相阿使政不平者故書朋作備鄭司農云朋讀如朋友之朋○備補聲反

八曰為邦誣。
誣罔君臣使事失實

若邦凶荒則以荒辯之灋治之。
鄭司農云辯讀為風別之別救荒之政十有二而士師別受其教條是為荒別之灋玄謂辯當為貶聲之誤也遭飢竟不明判

國事有所貶損作權時濫也朝士職曰若邦凶荒札喪寇戎之故則令邦國都家縣鄙慮刑貶○風別之別皆彼列反

令移民通財糾守緩刑

移民就賤救困也通財補不足也糾守衛盜賊也緩刑紓民心也

凡以財獄訟者正之以傅別約劑

傅別中別手書也約劑各所持券也故書別為辨鄭司農云傅或為付辨讀為風別之別若今時市買為券書以別之各得其一訟則案券以正之

若祭勝國之社稷則為之尸

以刑官為尸略之也周謂公殷之社為亳社

王燕出入則前驅而辟

道王且辟行人○道音導

祀五帝則沃尸及王盥洎鑊水

洎謂增其沃洎音與

凡刳珥則奉犬牲

珥讀為珥刳珥釁禮之事用牲毛者曰刳羽者曰珥○刳音機珥而志反注珥同

諸侯為賓則帥其屬而蹕于王宮

謂諸侯來朝若燕饗時

大喪亦如之

大師帥其屬而禁逆軍旅者與犯師禁者而戮之

周禮

卷三 司寇刑官之職

刑

逆軍旅反將命也犯師禁于行陳也

大將子反行凡剛反陳直忍反

歲終則令正要會

正歲帥其屬而憲禁令于國及郊野

去國百里為郊

鄉士掌國中

鄭司農云謂國中至百里郊也玄謂其地則距王城百里內也言掌國中此主國中獄也六鄉之獄在國中

各掌其鄉之民數而糾戒之

鄉士八人言各者四人而分主三鄉

聽其獄訟察其辭

察審也

辯其獄訟異其死刑之罪而要之旬而職聽于朝

辯異謂殊其文書也要之為其罪瀆之要辭如今劾矣十日乃以職事治之於外朝容其自反覆○劫戶代反覆芳服反

司寇聽之斷其獄弊其訟于朝羣士司刑皆在各麗其灋以議獄

訟

麗附也各附致其灋以成議也

獄訟成士師受中協日刑殺肆之三日

受中謂受獄訟之成也鄭司農云士師受中若今二千石受其獄也中者刑罰之中也故論語曰刑罰不中則民無所措手足

司豐

司寇刑官之職

承襄堂

協日刑殺協合也和也和合支幹善日若今時望後利日也肆
之三日故春秋傳曰三日棄疾請尸論語曰肆諸市朝玄謂士
師既受獄訟之成鄉士則擇可刑殺之日至其
時而往泄之尸之三日乃反也○中丁仲反

若欲免之則王會其期

免猶赦也期謂鄉士職聽于朝司寇聽
之日王欲赦之則用此時親往議之

大祭祀大喪紀大軍旅大賓客則各掌其鄉之禁令帥其屬夾道
而蹕

屬中士
以下

三公若有邦事則為之前驅而辟其喪亦如之

鄭司農云鄉士為三公道也若今時三
公出城郡督郵盜賊道也○為于偽反

凡國有大事則戮其犯命者

遂士掌四郊

鄭司農云謂百里外至三百里也玄謂其地則距王城百里以
外至二百里言掌四郊者此主四郊獄也六遂之獄在四郊

各掌其遂之民數而糾其戒令

遂士十二人言各者
二人而分主一遂

聽其獄訟察其辭辨其獄訟異其刑之罪而要之二旬而職聽
于朝司寇聽之斷其獄弊其訟于朝羣士司刑皆在各麗其灋以
議獄訟獄訟成士師受中協日就郊而刑殺各於其遂肆之三日

就郊而刑殺者遂士也遂士擇刑殺日至其時往泄之
如鄉士為之矣言各於其遂者四郊六遂遂處不同

刑禮

卷三

司寇刑官之職

刑

刑

若欲免之則王令三公會其期。

令猶命也王欲赦之則用遂士職聽之時命三公往議之

若邦有大事聚眾庶則各掌其遂之禁令帥其屬而蹕。

大事王所親也

六卿若有邦事則為之前驅而辟其喪亦如之凡郊有大事則戮其犯命者。

縣士掌野。

鄭司農云掌三百里至四百里大夫所食晉韓須為公族大夫食縣玄謂地距王城二百里以外至三百里曰野三百里以外至四百里曰縣四百里以外至五百里曰都都縣野之地其邑非王子弟公卿大夫之采地則皆公邑也謂之縣縣士掌其獄

焉言掌野者郊外曰野大摠言之也獄居近野之縣獄在二百里上縣之縣獄在三百里上都之縣獄在四百里上

各掌其縣之民數糾其戒令而聽其獄訟察其辭辨其獄訟異其死刑之罪而要之三旬而職聽于朝司寇聽之斷其獄弊其訟于朝羣士司刑皆在各履其灋以議獄訟獄訟成士師受中協日刑殺各就其縣肆之三日。

刑殺各就其縣者亦謂縣士也

若欲免之則王命六卿會其期。

期亦謂縣士職聽之時

若邦有大役聚眾庶則各掌其縣之禁令若大夫有邦事則為之

司禮

卷三

司寇刑官之職

士

承襄堂

前驅而辟其喪亦如之。凡野有大事則戮其犯命者。

野距王城二百里以外及縣都

方士掌都家

鄭司農云掌四百里至五百里公所食魯季氏食於都玄謂都王子弟及公卿之采地家大夫之采地大都在國地小都在縣地家邑在稍地不言掌其民數民不純屬王。○置居良反

聽其獄訟之辭辨其死刑之罪而要之。三月而上獄訟于國。

三月乃上要者又變朝言國以其自有君異之。○上時實反

司寇聽其成于朝羣士司刑皆在。各麗其灋以議獄訟。

成平也鄭司農說以春秋傳曰晉邢侯與雍子爭鄆田久而無成。○鄆許六反

獄訟成。士師受中書其刑殺之成。與其聽獄訟者。

都家之吏自協日刑殺但書其成與治獄之吏姓名備反覆有失實者

凡都家之大事聚眾庶則各掌其方之禁令。

方士十六人言各掌其方者四人而主一方也其方以王之事動眾則為班禁令焉

以時修其縣灋。若歲終則省之而誅賞焉。

縣灋縣師之職也其職掌邦國都鄙稍甸郊野之地域而辨其夫家人民田萊之數及其六畜車輦之稽方士以四時修此灋歲終又省之則與掌民數亦相近

凡都家之士所上治則主之。

都家之士都士家士也所上治者謂獄訟之小事不附罪者也主之告於司寇聽平之

司寇

司寇刑官之職

七

承襲

訝士掌四方之獄訟

鄭司農云四方諸侯之獄訟

論罪刑于邦國

告曉以麗罪及制刑之本意

凡四方之有治於士者造焉

謂讞疑辨重先來請乃通之於士也士王謂士師也如今郡國亦時遣主者吏詣廷尉議者造七報反讞魚竭反

四方有亂獄則往而成之

亂獄謂若君臣宣淫上下相虐者也往而成之猶呂步舒使治淮南獄

邦有賓客則與行人送逆之入於國則為之前驅而辟野亦如之

居館則帥其屬而為之蹕誅戮暴客者客出入則道之有治則贊之

送逆謂始來及去也出入謂朝覲於王時也春秋傳曰晉侯受策以出出入三觀入國入野自以時事

凡邦之大事聚眾庶則讀其誓禁

朝士掌建邦外朝之灋左九棘孤卿大夫位焉羣士在其後右九

棘公侯伯子男位焉羣吏在其後面三槐三公位焉州長眾庶在

其後左嘉石平罷民焉右肺石達窮民焉

樹棘以爲位者取其赤心而外刺象以赤心三刺也槐之言懷也懷來人於此欲與之謀羣吏謂府史也州長鄉遂之官鄭司農云王有五門外曰臯門二曰雉門三曰庫門四曰應門五曰路門路門一曰畢門外朝在路門外內朝在路門內左九棘右

九棘故易曰係用徽纆冥于叢棘玄謂明堂位說魯公宮曰庫門天子臯門雉門天子應門言曾用天子之禮所名曰庫門者如天子臯門所名曰雉門者如天子應門此名制二兼四則魯無臯門應門矣檀弓曰魯莊公之喪既葬而經不入庫門言其除喪而反由外來是庫門在雉門外必矣如是王五門雉門為中門雉門設兩觀與今之宮門同闕人幾出入者窮民蓋不得入也郊特牲譏釋於庫門內言遠當于廟門廟在庫門之內見於此矣小宗伯職曰建國之神位右社稷左宗廟然則外朝在庫門之外臯門之內與今司徒府有天子以下大會殿亦古之外朝哉周天子諸侯皆有三朝外朝一內朝二內朝之在路門內者或謂之燕朝○長丁文反罷音皮繼亡北反冥于之鼓反觀古亂反見賢遍反

帥其屬而以鞭呼趨且辟

趨朝辟行人執鞭以威之

禁慢朝錯立族談者

慢朝謂臨朝不肅敬也錯立族談違其位傳語也○傳徐于損反

凡得獲貨賄人民六畜者委于朝告于士旬而舉之大者公之小者庶民私之

得而取之曰獲委於朝十日待來識之者人民謂刑人奴隸逃亡者司隸職曰帥其民而搏盜賊鄭司農云若今時得遺物及放失六畜持詣鄉亭縣廷大者公之大物沒入公家也小者私之小物自界也玄謂人民之小者未齒七歲以下○俘音孚亂初謹反

凡士之治有期日國中一旬郊二旬野三旬都三月邦國春期內之治聽期外不聽

鄭司農云謂在期內者聽期外者不聽若今時徒論決滿三月不得乞鞫○期居其反鞫九六反

凡有責者有判書以治則聽

判半分而合者故書判為辨鄭司農云謂若今時辭訟有券書者為治之辨讀為別謂別券也玄謂古者出責之息亦如其國服與○為治于偽反別彼列反

凡民同貨財者令以國瀆行之犯令者刑罰之

鄭司農云同貨財者謂合錢共賈者也以國瀆行之司市為節以遺之玄謂同貨財者富人蓄積者多時收斂之時以國服之瀆出之雖有騰躍其贏不得過此以利出者與取者過此則罰之若今時加貴取息坐臧

凡屬責者以其地傳而聽其辭

鄭司農云謂訟地畔畧者田地町畔相比屬故謂之屬資以地傳而聽其辭以其比畔為證也玄謂屬責轉責使人歸之而本主死亡歸後之數相抵冒者也以其地之人相比近能為證者來乃受其辭為治之○此毗志反

凡盜賊軍鄉邑及家人殺之無罪

鄭司農云謂盜賊羣輩若軍共攻盜鄉邑及家人者殺之無罪若今時無故入人室宅廬舍上人車船牽引人欲犯法者其時格殺之無罪○上時掌反

凡報仇讐者書於士殺之無罪

謂同國不相辟者將殺之必先言之於士○辟音避

若邦凶荒札疫寇戎之故則令邦國都家縣鄙慮刑貶

故書慮為慮貶為定杜子春云定當為禁憲謂備書以明之玄謂慮謀也貶猶減也謂當圖謀緩刑且減國用謂民困也所貶視時為多少之漢七穿波驗反

司民掌登萬民之數自生齒以上皆書於版辨其國中與其都鄙

司民

司寇刑官之職

五 四 五 永懷堂

及其郊野異其男女歲登下其死生

登上也男八月女七月而生齒版令戶籍也下猶去也每歲更著生去死○去起呂反著丁丈反

及三年大比以萬民之數詔司寇司寇及孟冬祀司民之日獻其

數于王王拜受之登于天府內史司會冢宰貳之以贊王治

鄭司農云文昌宮三能屬軒轅角相與為體近文昌為司命次司祿次司民玄謂司民軒轅角也天府主祖廟之藏者贊佐也三官以貳佐王治者當以民多少黜陟主民之吏○能吐才反

周禮卷三十五終

周禮卷三十六

漢大司農北海鄭玄註

皇明曰後學東吳葛鼎訂

司寇刑官之職

司刑掌五刑之灋以麗萬民之罪墨罪五百劓罪五百宮罪五百刑罪五百殺罪五百

墨黥也先刻其面以墨室之劓截其鼻也今東西夷或以墨劓為俗古刑人亡逃者之世類與宮者丈夫則割其勢女子閉於宮中若琴宦男女也刑斷足也周改贖作刑殺死刑也書傳曰決關梁踰城郭而略盜者其刑贖男女不以義交者其刑宮觸易君命華與服制度姦軌盜攘傷人者其刑劓非事而事之出入不以道義而論不詳之辭者其刑墨降畔寇賊劫略奪攘橋

周禮

卷三十六 司寇刑官之職

刑官之職

虞者其刑死此二千五百罪之目略也其刑書則亡夏刑大辟二百贖辟三百宮辟五百劓墨各千周刑變焉所謂刑罰世輕世重者也鄭司農云漢孝文帝十三年除肉刑○劓魚器反室本交作涅同乃結反斷丁管反降戶江反橋居兆反

若司寇斷獄弊訟則以五刑之灋詔刑罰而以辨罪之輕重

詔刑罰者處其所應不如今律家所署灋矣

司刺掌三刺三宥三赦之灋以贊司寇聽獄訟

刺殺也訊而有罪則殺之宥寬也赦舍也

壹刺曰訊羣臣再刺曰訊羣吏三刺曰訊萬民

訊言

壹宥曰不識再宥曰過失三宥曰遺忘

漢大司農北齊禮文

鄭司農云不識謂愚民無所識則宥之過失若今律過失殺人
不坐死玄謂識審也不審若今仇讐當報甲見乙誠以為甲而
殺之者過失若舉刃欲斫伐而軼中人者遺忘若問推薄忘有
在焉而以兵矢殺射之○忘音妾中丁仲反間問廁之間射亦
反食

壹赦曰幼弱再赦曰老旄三赦曰蠢愚

蠢愚生而癡騃童昏者鄭司農云幼弱老旄若今律今年未滿
八歲八十以上非手殺人他皆不坐○耄本又作旄蠢勅江反
騃五駭反
上時掌反

以此三灋者求民情斷民中而施上服下服之罪然後刑殺

上服殺與墨劓下服宮刑也司約職目其不信者服墨刑凡行刑必先規識所刑之處乃後行之

司約掌邦國及萬民之約劑治神之約為上治民之約次之治地

之約次之。治功之約次之。治器之約次之。治摯之約次之。

此六約者，諸侯以下，至於民皆有焉。劑，謂券書也。治者，理其相抵肩上下之差也。神約，謂命祀郊社羣望及所祖宗也。夔子不祀祝融，楚人伐之，民約謂征稅遷移，仇讐既和，若懷宗九姓在晉，殷民八族七族在魯，衛皆是也。地約，謂經界所至田萊之比也。功約，謂王功國功之屬，實爵所及也。器約，謂禮樂吉凶車服所得用也。摯約，謂玉帛禽鳥相與往來也。○約於妙反，此毗志反。

凡大約劑書於宗彝，小約劑書於丹圖。

大約劑，邦國約也。書於宗廟之六彝，欲神監焉。小約劑，萬民約也。丹圖，未聞，或有彫器，蓋蓋之屬，有圖象者，與春秋傳曰：斐豹隸也，著於丹書，今俗語有鐵券丹書，豈此舊典之遺言。

若有訟者，則珥而辟藏，其不信者服墨刑。

鄭司農云：謂有爭訟罪罰，刑書謬誤不正者，為之開藏，取本刑書以正之。當開時，先祭之，玄謂訟訟約若宋仲幾薛宰者也。辟藏，開府視約書，不信不如約也。珥，讀曰珥，謂殺雞取血繫其戶。○藏才浪反，為干偽反。

若大亂，則六官辟藏其不信者殺。

大亂，謂借約若吳楚之君，晉文公請隧以葬者，六官辟藏明罪大也。六官初受盟約之貳。

司盟掌盟載之灋。

載，盟辭也。盟者，書其辭於策，殺牲取血，坎其牲，加書於上而埋之，謂之載書。春秋傳曰：宋寺人惠牆伊戾坎用牲，加書為世子。○瘞才戈反。

凡邦國有疑會同，則掌其盟約之載，及其禮儀，北面詔明神，既盟則貳之。

司盟，司寇刑官之職。

有疑不協也。明神神之明察者，謂日月山川也。觀禮加方明于壇上，所以依之也。詔之者，讀其載書以告之也。貳之者，寫副當以授六官。

盟萬民之犯命者，詛其不信者，亦如之。

盟詛者，欲相與共惡之也。犯命，犯君教令也。不信，違約者也。春秋傳曰：臧紇犯門斬關以出，乃盟臧氏。又曰：鄭伯使卒出狼行，出大雞以詛射頴考叔者。○詛，側慮反。惡，烏路反。紇，恨發反。行戶剛反。射，食亦反。

凡民之有約劑者，其貳在司盟。

貳之者，檢其自相違約。

有訟獄者，則使之盟詛。

不信則不敢聽此。盟詛所以省獄訟。

凡盟詛，各以其地域之衆庶，其其牲而致焉。既盟，則為司盟共所

酒脯。

使其邑閭出牲而來盟，既又使出酒脯司盟為之祈明神，使不信者必凶。○為于僞反。

職金掌凡金玉錫石丹青之戒令。

青，空青也。

受其入征者，辨其物之媿惡，與其數量，揭而璽之。入其金錫于為兵器之府，入其玉石丹青于守藏之府。

為兵器者，攻金之工六也。守藏者，玉府內府也。鄭司農云：受其入征者，謂主受采金玉錫石丹青者之租稅也。揭而璽之者，揭書其數量以著其物也。璽者，印也。既揭書，掬其數量，又以印封之。今時之書有所表識，謂之揭槩。○揭音竭。守音狩。著直略反。

司禮

卷三十一

秋官刑官之職

四

永懷堂

捕音歲識
申志反

入其要。

要凡數也入
之於六府

掌受士之金罰貨罰入于司兵。

給治兵及工直也貨泉貝也罰罰
贖也書曰金作贖刑○贖音蜀

旅于上帝則其其金版饗諸侯亦如之。

餅金謂之版此版所
施未聞○餅必領反

凡國有大故而用金石則掌其令。

主其取之令也用金石者作槍雷椎棒之屬
○槍七羊反雷當爲礮礮與檉宅辨反

司鷹掌盜賊之任器貨賄辨其物皆有數量買而梏之入于司兵

鄭司農云任器貨賄謂盜賊所用傷人兵器及所盜財物也入
于司兵若今時傷殺人所用兵器盜賊賊加責沒入縣官○賈

嫁音

其奴男子入于罪隸女子入于春臺。

鄭司農云謂坐爲盜賊而爲奴者輸於罪隸春人臺人之官也
由是觀之今之爲奴婢古之罪人也故書曰予則奴戮汝論語
曰箕子爲之奴罪隸之奴也故春秋傳曰斐豹尋也著於丹書
請焚丹書我殺督戎恥爲奴欲焚其籍也玄謂奴從坐而沒入
縣官者男女同
各○女音汝

凡有爵者與七十者與未甞者皆不爲奴。

有爵謂命士以上也甞毀齒也男
八歲女七歲而毀齒○上時掌反

司禮

司寇刑官之職

左

刑

天人掌犬牲。凡祭祀共犬牲。用牲物。伏瘞亦如之。

鄭司農云。牲純也。物色也。伏謂伏犬以王車轅之。瘞謂埋祭也。爾雅曰。祭地曰瘞埋。○牲音全。瘞於例反。轅音歷。

凡幾珥沈辜。用駝可也。

故書駝作龍。鄭司農云。幾讀為暇。爾雅曰。祭山曰殺。縣祭川曰浮沈。大宗伯職曰。以埋沉祭山川。林澤以罷辜。祭四方百物。龍讀為駝。謂不純色也。玄謂幾讀為創。珥當為鯀。創鯀者。鬯禮之事。○駝亡。江反。暇九委反。縣音玄。罷讀乎。逼反。

凡相犬。羣犬者屬焉。掌其政治。

相謂視擇知其善惡。○相息亮反。

司圜掌收教罷民。凡害人者。弗使冠飾而加明刑焉。任之以事而收教之。能改者。上罪三年而舍。中罪二年而舍。下罪一年而舍。其

不能改而。出圜土者殺。雖出三年不齒。

弗使冠飾者。著墨幪。若古之象刑。與舍釋之也。鄭司農云。罷民謂惡人不從化。為百姓所患苦。而未入五刑者也。故曰。凡害人者。不使冠飾。任之以事。若令時罰作矣。○著丁略反。幪莫公反。

凡圜土之刑人。也不虧體。其罰人。也不虧財。

言其刑人。但加以明刑。罰人。但任之以事耳。鄭司農云。以此知其為民所苦。而未入刑者也。故大司寇職曰。凡萬民之有罪過而未麗於法。而害於州里者。桎梏而坐諸嘉石。役諸司空。又曰。以嘉石平罷民。國語曰。罷士無伍。罷女無家。言為惡無所容入也。玄謂圜土所收教者。過失害人。已麗於法者。

掌囚。掌守盜賊。凡囚者。上罪桎梏而桎。中罪桎梏。下罪桎。王之同族。有爵者。桎以待弊罪。

刑

凡囚者謂非盜賊自以他罪拘者也鄭司農云奉者兩手共一木也桎梏者兩手各一木也玄謂在手曰桎在足曰梏中罪不奉手足各一木耳下罪又去桎王同族及命士以上雖有上罪或奉或桎而已弊猶斷也○桎古毒反奉漢書音義章昭音拱云兩手共一木曰奉兩手各一木曰桎桎之實反

及刑殺告刑于王奉而適朝士加明桎以適市而刑殺之

告刑于王告王以今日當行刑及所刑姓名也某死罪則曰某之罪在大辟某刑罪則曰某之罪在小辟奉而適朝者重刑為王欲有所赦且當以付士士鄉士也鄉士加明桎者謂書其姓名及其罪於桎而著之也囚時雖有無桎者至於刑殺皆設之以適市就眾也庶姓無爵者皆刑殺於市○為干偽反著丁略反

凡有爵者與王之同族奉而適甸師氏以待刑殺

適甸師氏亦由朝乃往也待刑殺者掌戮將自市來也文王世子曰雖親不以犯有司正術也所以體異姓也刑于隱者不與

國人慮

掌戮掌斬殺賊謀而搏之

斬以鉄鉞若今要斬也殺以刀刃若今棄市也謀謂姦寇反間者賊與謀罪大者斬之小者殺之搏當為搏諸城上之膊字之誤也搏謂去衣襟之○要一遙反間間廁之間去起呂反

凡殺其親者焚之殺王之親者辜之

親總服以內也焚燒也易曰焚如死如棄如辜之言枯也謂磔之

凡殺人者陪諸市肆之三日刑盜于市

陪僵尸也肆猶申也陳也凡言刑盜罪惡莫大焉○陪皮北反僵居良反

凡罪之麗於灋者亦如之唯王之同族與有爵者殺之于甸師氏

刑

七

司寇刑官之職

七

承襲堂

罪二千五百條上附下附刑五而巳於刑何科者其刑殺之也

凡軍旅田役斬殺刑戮亦如之

戮謂臠焚辜肆

墨者使守門

黥者無妨於禁御

劓者使守關

截鼻亦無妨以貌醜遠之

宮者使守內

以其人道絕也今世或然

別者使守閭

斷足驅衛禽獸無急行

髡者使守積

鄭司農云髡當為完謂但居作三年不虧體者也玄謂此出五刑之中而髡者必王之同族不宮者宮之為翦其類髡頭而已

守積積在隱者宜同音也○積于賜反

司隸掌五隸之灋辨其物而掌其政令

五隸謂罪隸四翟之隸也物衣服兵器之屬

帥其民而搏盜賊役國中之辱事為百官積任器凡囚執人之事

民五隸之民也鄭司農云百官所當在持之器物此官主為積聚之也玄謂任猶用也○為百于為反

邦有祭祀賓客喪紀之事則役其煩辱之事

十篇又

掌帥四翟之隸使之皆服其邦之服執其邦之兵守王宮與野舍

之厲禁

野舍王者所止舍也厲邊

罪隸掌役百官府與凡有守者掌使令之小事

役給其小役

凡封國若家牛助為牽傍

鄭司農云凡封國若家謂建諸侯立大夫家也牛助為牽傍此官主為送致之也玄謂牛助國以牛助轉徙也罪隸牽傍之在

前曰牽在旁曰傍○傍步浪反

其守王宮與其厲禁者如蠻隸之事

蠻隸掌役校人養馬其在王宮者執其國之兵以守王宮在野外

則守厲禁

閭隸掌役畜養鳥而阜蕃教擾之掌子則取隸焉

杜子春云子當為祀玄謂掌子者王立世子置臣使掌其家事而以閭隸役之

夷隸掌役牧人養牛馬與鳥言

鄭司農云夷狄之人或曉鳥獸之言故春秋傳曰介葛盧聞牛鳴曰是生三犧皆用矣是以貉隸職掌與獸言

其守王宮者與其守厲禁者如蠻隸之事

貉隸掌役服不氏而養獸而教擾之掌與獸言。

不言阜藩者猛獸不可服又不與獸言者養獸與獸言生乳於圈檻也。○圈求阮反。○言者春官大司馬曰。○

其守王宮者與其守厲禁者如蠻隸之事。

秋官司寇下

布憲掌憲邦之刑禁正月之吉執旌節以宣布于四方而憲邦之刑禁以詰四方邦國及其都鄙達于四海。

憲表也謂縣之也刑禁者國之五禁所以左右刑罰者司寇正月布刑于天下正歲又縣其書于象魏布憲於司寇布刑則以旌節出宜令之於司寇縣書則亦縣之于門閭及都鄙邦國刑者王政所重故屢丁寧焉詰謹也使四方謹行之爾雅曰九夷八蠻六戎五狄謂之四海。○縣音玄。

凡邦之大事合衆庶則以刑禁號令。

禁殺戮掌司斬殺戮者凡傷人見血而不以告者擗獄者過訟者以告而誅之。

司猶察也察此四者告於司寇罪之也斬殺戮謂吏民相斬相殺相戮者傷人見血見血乃為傷人耳鄭司農云擗獄者距當獄者也過訟者過止欲訟者也玄謂擗猶卻也卻獄者言不受也。

禁暴氏掌禁庶民之亂暴力正者擗誣犯禁者作言語而不信者以告而誅之。

民之好為侵陵稱詐謾誕此三者亦刑所禁也力正以力强得正也。○擗居表反好呼報反誣音但。

凡國聚衆庶則戮其犯禁者以徇凡奚隸聚而出入者則司牧人

戮其犯禁者。

奚隸女奴男奴也。其聚出入有所使。

野廬氏掌達國道路至于四畿。

達謂巡行通之使不阻絕也。去王城五百里曰畿。○行下孟反。

比國郊及野之道路宿息并樹。

比猶較也。宿息廬之屬。賓客所宿。及晝止者也。并共飲食。樹為蕃蔽。

若有賓客則令守涂地之人聚橐之有相翔者誅之。

守涂地之人道所出廬宿旁民也。相翔猶昌翔觀伺者也。鄭司農云聚橐之聚擊橐以宿衛之也。有姦人相翔於賓客之側則誅之。不得令寇盜賓客。○橐音託。令力呈反。

凡道路之舟車擊互者敘而行之。

舟車擊互謂於迫隘處也。車有轆轤坻閣并有砥柱之屬。其過之者使以次叙之。○擊音計。坻都禮反。砥音旨。

凡有節者及有爵者至則為之辟。

辟辟行人亦使守涂地者。

禁野之橫行徑踰者。

皆為防奸也。橫行妄由田中徑踰射邪越疾越隄渠也。○射食亦反。

凡國之大事比修除道路者。

比按治道者名。若令大金叙大功。

掌凡道禁。

周禮

卷三 司寇刑官之職

七

刑禮

禁謂若今絕蒙布巾持兵杖之屬

邦之大師則令靖道路且以幾禁行作不時者不物者

不時謂不夙則莫者也。不物謂衣服操持非此常人也。幾禁之者備姦人內賊及反間。○莫音暮。間。間。廁之反。

蜡氏掌除骹

曲禮四足死者曰漬。故書骹作脊。鄭司農云。脊讀為殯。謂死人骨也。月令曰掩骼埋胔。骨之尚有肉者也。及禽獸之骨皆是。○蜡。清預反。骹似賜反。注。殯。皆同。殯又作漬。脊子亦反。骼古百反。

凡國之大祭祀令州里除不蠲。禁刑者任人及凶服者以及郊野

大師大賓客亦如之

蠲讀如吉。圭惟備之圭。圭潔也。刑者黥劓之屬。任人司圜所收。教罷民也。凶服服衰經也。此所禁除者皆為不欲見人所。嚴惡。

也。○蠲古玄反。饒昌志反。罷音皮。衰七雷反。為于偽反。蕩紆廢反。今本多作穢。惡息路反。

若有死於道路者則令埋而置榻焉書其日月焉縣其衣服任器

于有地之官以待其人

有地之官。主此地之吏也。其人其家人也。鄭司農云。榻欲令其識取之。今時榻。槨是也。有地之官。有郡界之吏。今時鄉亭是也。○榻音渴。縣音玄。

掌凡國之醜禁

禁謂孟春掩骼埋胔之屬

雍氏掌溝瀆滄池之禁。凡害於國稼者春令為之。獲溝瀆之利於民者秋令塞阱社獲

居禮

卷五

其

承懷堂

溝瀆滄田間通水者也池謂陂障之水道也害於國稼謂水潦及禽獸也阱穿地為漸所以禦禽獸其或超踰則陷焉世謂之陷阱獲柞鄂也堅地阱淺則設柞鄂於其中秋而杜塞阱獲收刈之時為其陷害人也書柴誓曰數乃獲斂乃阱時秋也伯禽以出師征徐戎○獲胡化反漸七豔反本又作壘柞才伯反柴音祕數音杜斂乃協反又乃結反徐劉本作郟音徐

禁山之為苑澤之沈者

為其就禽獸魚鱉自然之居而害之鄭司農云不得擅為苑囿於山也澤之沈者謂毒魚及水蟲之屬

澤氏掌國之水禁

水禁謂水中害人之處及入水捕魚鱉不時

幾酒

苛察沽買過多及非時者

謹酒

使民節用酒也書酒誥○黃其于天○黃其于天○黃其于天

禁川游者

備波洋卒至沈溺也○卒寸忽反

司寤氏掌夜時

夜時謂夜晚早若今甲乙至戌

以星分夜以詔夜士夜禁

夜士主行夜徼候者如今都候之屬○行下孟反徼古弔反

禦晨行者禁宵行者夜遊者

同量

司寇刑官之職

其

承懷堂

備其遭寇害及謀非公事禦亦禁也謂過止之無刑法也晨先明也宵定昏也書曰宵中星虛春秋傳曰夜中星隕如雨○先

司烜氏掌以夫遂取明火於日以鑿取明水於月以其祭祀之明

盥明燭其明水

夫遂陽遂也鑿鏡屬取水者世謂之方諸取日之火月之水欲得陰陽之蒸氣也明燭以照饌陳明水以為玄酒鄭司農云夫發聲明盥謂以明水脩滌菜盛黍稷○夫方符反司農音符盥音資注作菜

凡邦之大事共墳燭庭燎

故音墳為黃鄭司農云黃燭麻燭也玄謂墳大也樹於門外曰大燭於門內曰庭燎皆所以照眾為明○黃扶干反申春以木鐸修火禁于國中

為季春將出火也火禁謂用火之處及備風燥○中音冲

軍旅修火禁邦若屋誅則為明竈焉

鄭司農云屋誅謂夷三族無親屬收葬者以為葬之也三夫為屋一家田為一夫以此知三家也玄謂屋讀如其刑罰之罰屋誅謂所殺不於市而以適甸師氏者也明竈若今揭頭明書其罪法也司烜掌明竈則罪人夜葬與○竈昌銳反剗音握

周禮卷三十六 終

刑禮

卷三 司寇刑官之職

古

承襲堂

其罪也... 司寇刑官之職... 漢大司農北海鄭玄註... 皇明後學東吳金蟠訂

周禮卷三十七

漢大司農北海鄭玄註

皇明後學東吳金蟠訂

司寇刑官之職

條狼氏掌執鞭以趨辟。王出入則八人夾道。公則六人。侯伯則四人。子男則二人。

趨辟，趨而辟行人。若今卒辟車之為也。孔子曰：富而可求，雖執鞭之士，吾亦為之。言士之賤也。趨辟，七須反。下婢亦反。又音避卒，十忽反。

凡誓，執鞭以趨於前，且命之誓。僕右曰：殺誓。馭曰：車轅。誓大夫曰：

同禮... 卷三十七... 司寇刑官之職... 一... 承哀堂

敢不關鞭五百。誓師曰三百。誓邦之大史曰殺。誓小史曰墨。大史曰

前謂所誓眾之行前也。有司讀誓辭。則大言其刑。以警所誓也。誓者謂出軍及將祭祀時也。出軍之誓。誓左右及馭。則誓之甘誓備矣。郊特牲。說祭祀之誓。田下之日。王立千澤。親聽誓命。受教諫之義也。車轅謂車裂也。師樂師也。大史小史。主禮事者。鄭司農云。誓大夫曰。敢不關。謂不關於君也。玄謂大夫自受命以出。則其餘事莫不復請。○轅戶申反。一音環。大音泰。注同行。戶剛反。誓京領反。復請上音服。下音情。

修間氏掌比國中宿互禱者。與其國粥。而比其追胥者。而賞罰之。

國中。城中也。粥。養也。國所游養。謂葵卒也。追。逐寇也。胥。讀為偕。故書互為巨。鄭司農云。宿。謂宿衛也。巨當為互。謂行馬所以障互。禁止人也。禱。謂行夜擊禱。○此吐志反。宿如字。劉息就反。粥音育。胥音育。又息居反。

禁徑踰者。與以兵革趨行者。與馳騁於國中者。

皆為其惑衆。

邦有故。則令守其間互。唯執節者不幾。

令者。令其間內之。間胥里宰之屬。

冥氏掌設弧張。

弧。張。置學之屬。所以扇網禽獸。○冥音竟。置昌容反。學音浮。扇古榮反。網古大反。

為哢獲以攻猛獸。以靈鼓毆之。

靈鼓。六面鼓。毆之。使驚趨。哢獲。○毆丘于反。後同。

若得其獸。則獻其皮。革齒須備。

鄭司農云。須。直謂願下須備。謂獻也。

甸豐

司寇刑官之職

二

示慎堂

庶民掌除毒蠱以攻說禴之嘉草攻之

毒蠱毒物而病害人者賊律曰敢蠱人及教合者棄市攻說祈名祈其神求去之也嘉草藥物其狀未聞攻之謂燠之鄭司農云禴除也玄謂此禴讀如潰癰之潰○庶章預反毒蠱音古禴音漬戶內反去起呂反燠許云反

凡毆蠱則令之比之

使為之又校次之

穴氏掌攻蟄獸各以其物火之

蟄獸熊羆之屬冬藏者也將攻之必先燒其所食之物於穴外以誘出之乃可得之

以時獻其珍異皮革

翼氏掌攻猛鳥各以其物為媒而撻之

猛鳥鷹隼之屬置其所食之物於網中鳥來下則撻其脚○撻居綺反隼息允反

以時獻其羽翮

柞氏掌攻草木及林麓

林人所養者山足曰麓○柞側百反麓音鹿

夏日至令刊陽木而火之冬日至令剝陰木而水之

刊剝互言耳皆謂斫去次地之皮生山南為陽木生山北為陰木火之木之則使其燂不生○刊苦干反去起呂反燂以四反

若欲其化也則春秋變其水火

化猶生也謂時以種穀也變其水火者乃所火則水之所水則火之則其土和美

凡攻木者掌其政令

司農

卷三

司寇刑官之職

三

承襲堂

除木
有時

羅氏掌殺草春始生而萌之夏日至而夷之秋繩而芟之冬日至而耜之

故書萌作薨杜子春云薨當為萌謂耕反其萌牙書亦或為萌玄謂萌之者以茲其所其生者夷之以鉤鎌迫地芟之也若今取交矣舍實曰繩芟其繩則實不成孰耜之以耜側凍土剡之○繩音孕以證反芟所銜反薨音萌茲其音基鎌音兼芟音交剡初產反劉則展反

若欲其化也則以水火變之

謂以火燒其所芟萌之草已而水之則其土亦和美矣月令季夏澆蕪行水利以殺草如以熱湯是其一時著之

掌凡殺草之政令

哲族氏掌覆天鳥之巢

覆猶毀也天鳥惡鳴之鳥若鴉鷲○覆芳復反天音妖鴉于嬌反鷲音服

以方書十日之號十有二辰之號十有二月之號十有二歲之號二十有八星之號縣其巢上則去之

方版也日謂從甲至癸辰謂從子至亥月謂從姤至荼歲謂從攝提格至赤奮若星謂從角至軫天鳥見此五者而去其詳未聞○縣音玄姤徐劉竝子須反荼音餘又音徒

翦氏掌除蠹物以攻榮攻之以莽草熏之

蠹物穿食人器物者蠹魚亦是也攻榮祈名莽草藥物殺蟲者以熏之則滅故書蠹為蒙杜子春云蒙當為蒙○蠹丁故反劉音貢榮音詠莽亡蕩反蒙古毛反本或作蒙他各反

甸豐

卷三 司寇刑官之職

四

天官

凡庶蠱之事。

庶除毒蠱者，蠱蠱之類，或熏以莽草則去。○庶章預反。

赤友氏掌除牆屋，以蜃炭攻之，以灰洒毒之。

洒，灑也。除牆屋者，除蟲豸藏處其中者。蜃，大蛤也。擣其炭以粉之，則走淳之。以灑之，則滅。故書蜃為晨，鄭司農云：晨當為蜃。書亦或為蜃。○蜃市軫反。洒，色買反。牙直氏反。坊，滿悶反。淳，之純反。

凡隙屋，除其狸蟲。

狸蟲，廣肌蛛之屬。○狸莫皆反。庶草夜反。肌居其反。求本或作求。求音求。

蠹氏掌去蠹，鼯焚牡，蕪以灰洒之，則死。

牡，蕪，蕪不華者。齊魯之間，謂蠹為蠹，鼯，耿鼯也。蠹與耿鼯尤怒鳴，為聒入耳去之。○去起呂反。蠹戶，燭反。鼯，莫辛反。蕪，弓六反。

反為聒，子偽反。下古活反。

以其煙被之，則凡水蟲無聲。

杜子春云：假令風從東方來，則於水東面為烟。令烟西行，被之水上。○被皮義反。令力呈反。

壺涿氏掌除水蟲，以炮土之鼓，毆之，以焚石投之。

水蟲，狐蟻之屬。故書炮作炮。杜子春讀炮為苞，有苦葉之苞。玄謂：燔之炮之炮，炮土之鼓，天鼓也。焚石投之，使驚去。○炮步交反。注：炮苞同。域音或。燔音煩。

若欲殺其神，則以牡棗午貫象齒而沈之，則其神必淵為陵。

神，謂水神。龍罔象，故書棗為棗，午為五。杜子春云：棗當為槩，槩讀為枯。枯，榆木各書或為槩。又云：五貫當為午貫。○槩音古。杜或作槩。槩丑居反。槩音丑。其神必淵，以沈日之。槩音古。

庭氏掌射國中之天鳥。若不見其鳥獸，則以救日之弓與救月之矢射之。

不見鳥獸謂夜來鳴呼為怪者獸，狐狼之屬。鄭司農云：救日之弓，救月之矢，謂日月食所作弓矢。玄謂日月之食，陰陽相勝之變也。於日食則射大陰，月食則射太陽。與射食亦反。大音泰。

若神也，則以大陰之弓與柱矢射之。

神謂非鳥獸之聲，若或叫于宋大廟，諸謹出出者，太陰之弓，救月之弓，柱矢，救日之矢，與不言救月之弓與救日之矢者，玄言之救，日用柱矢，則救月以恒矢可知也。○謹許其反，音出本亦作出。

銜枚氏掌司讙。

察讙，懷者為其聒亂在朝者之言語。○讙，五羔反。讙呼九反。朝直遙反。

國之大祭祀，令禁無讙。

令，今主。祭祀者。

軍旅田役，命銜枚。

為其言語以相誤。

禁嗺呼歎鳴於國中者，行歌哭於國中之道者。

嗺，其惑眾相感動，嗺吟也。○嗺音叫吟。魚今反。

伊耆氏掌國之大祭祀，共其杖咸。

咸讀為魚，老臣雖杖於朝，事鬼神尚敬去之，有司以此函藏之，既事乃授之。○函音咸，去起呂反。

軍旅授有爵者杖。

司寇

司寇刑官之職

六

承襄堂

別吏卒且以扶尊者將軍杖鉞○別彼烈反卒子忽反杖直亮反又音丈鉞音越

共王之齒杖

王之所以賜老者之杖鄭司農云謂年七十當以王命受杖者今時亦命之為王杖玄謂王制曰五十杖於家六十杖於鄉七十杖於朝

大行人掌大賓之禮及大客之儀以親諸侯

大賓要服以內諸侯大客謂其孤卿○要於適反

春朝諸侯而圖天下之事秋覲以比邦國之功夏宗以陳天下之謨冬遇以協諸侯之慮時會以發四方之禁殷同以施天下之政

此六事者以王見諸侯為文圖比陳協皆考績之言王者春見諸侯則圖其事之可否秋見諸侯則比其功之高下夏見諸侯

則陳其謀之是非冬見諸侯則合其慮之異同大服以其朝歲四時分來更迭如此而徧時會即時見也無常期諸侯有不順服者王將有征討之事則既朝王命為壇於國外合諸侯而發禁命事焉禁謂九伐之法殷同即殷見也五十二歲一巡守若不巡守則殷同殷同者六服盡朝既朝王亦命為壇於國外合諸侯而命其政政謂邦國之九法殷同四方四時分來歲終則徧矣九伐九法皆在司馬職司馬法曰春以禮朝諸侯圖同事夏以禮宗諸侯陳同謀秋以禮覲諸侯比同功冬以禮遇諸侯圖同慮時以禮會諸侯施同政殷以禮宗諸侯發同禁○朝直遙反比毗志反戚如字更音庚迭直結反徧音遍見賢徧反下殷見同

時聘以結諸侯之好殷覲以除邦國之慝

此二事者亦以王見諸侯之臣使來者為文也時聘者亦無常期天子有事諸侯使大夫來聘親以禮見之禮而遣之所以結其恩好也天子無事則已殷覲謂一服朝之歲也慝猶惡禮一服朝之歲五服諸侯皆使卿以聘禮來覲天子天子以禮見之

周禮

卷三 司寇刑官之職

七

承讓堂

線藉以五采常衣板若奠玉則以藉之冕服著冕所服之衣也
九章者自由龍以下七章者自華蟲以下五章者自宗彝以下
也常旌旒也旒其屬慘垂者也樊纓馬飾也以屬飾之每一處
五采備為一就成就也貳副也介輔已行禮者也禮大禮饗餼
也三牲備為一牢朝位謂大門外賓下車及王車出迎所立處
也王始立大門內交擯三辭乃乘車而迎之齊僕為之節上公
立當軾侯伯立當疾子男立當衡王立當軫與廟受命祖之廟
也饗設盛禮以飲賓也問問不恙也勞謂苦倦之也皆有禮以
幣致之故書祿作果鄭司農云車軾軾也三享三獻也祿讀為
權再灌再飲公也而酢報飲王也舉舉樂也出入五積謂饋之
芻米也前疾謂駟馬車轅前胡下再拄地者玄謂三享皆束帛
加璧庭實惟國所有朝士儀曰奉國地所出重物而獻之明臣
職也朝先享不言朝者朝正禮不嫌有等也王禮王以鬱鬯禮
賓也鬱人職曰凡祭祀賓客之祿事和鬱鬯以實彝而陳之禮
者使宗伯攝酌圭瓚而裸王既拜送爵又攝酌璋瓚而裸后又
拜送爵是謂再裸再裸賓乃酢王也禮侯伯一裸而酢者裸賓
賓酢王而已后不裸也禮子男一裸不酢者裸賓而已不酢主
也不酢之禮聘禮禮賓是與九舉舉牲體九飯也出入謂從來

訖去也每積有牢禮米禾芻薪凡數不同者皆降殺○纍音藻
藉在夜反旂音留乘繩證反介音界軾之反反擯必刃反祿古
亂反酢才洛反食音嗣積子賜反勞老報反信音申板於既反
著丁略反屬章玉反慘音衫屬居例反齊側皆反與音餘飲於
鳩反羔羊尚反拄張矩
反飯扶晚反殺色界反

凡大國之孤執皮帛以繼小國之君出入三積不問壹勞朝位當
車前不交擯廟中無相以酒禮之其他皆抵小國之君

此以君命來聘者也孤尊既聘享更自以其贄見執束帛而已
豹皮表之為飾繼小國之君言次之也朝聘之禮每一國畢乃
前不交擯者不使介傳辭交于王之擯親自對擯者也廟中無
相介皆入門西上而立不前相禮者聘之介是與以酒禮之酒
謂齊酒也和之不用鬱鬯耳其他謂貳車及介牢禮賓主之間
擯者將幣裸酢饗食之數○相息亮反李息丈反擊本又作贄
音至見賢遍反傳
直專反齊才計反

司禮 司冠刑官之職 承襄堂

凡諸侯之卿其禮各下其君二等以下及其大夫士皆如之

此亦以君命來聘者也。所下其君者，介與朝位賓主之間也。其餘則自以其爵聘義曰：上公七介，侯伯五介，子男三介。是謂使卿之聘之數也。朝位則上公七十，侯伯五十，子男三十步與。

邦畿方千里其外方五百里謂之侯服歲壹見其貢祀物又其外方五百里謂之甸服二歲壹見其貢嬪物又其外方五百里謂之男服三歲壹見其貢器物又其外方五百里謂之采服四歲壹見其貢服物又其外方五百里謂之衛服五歲壹見其貢材物又其外方五百里謂之要服六歲壹見其貢貨物

要服蠻服也。此六服去王城三千五百里，相距方七千里。公侯伯子男封馬，其朝貢之歲四方各四分趨四時而來，或朝春或

宗夏或觀秋或遇冬祀貢者犧牲之屬故書嬪作類鄭司農云嬪物婦人所為物也爾雅曰嬪婦也玄謂嬪物絲枲也器物尊彝之屬服物玄纁絺纈也材物八材也貨物龜貝也○嬪婢人反絺勅之反纁音曠

九州之外謂之蕃國世壹見各以其所貴寶為摯

九州之外夷服鎮服蕃服也曲禮曰其在東夷北狄西戎南蠻雖大曰子春秋傳曰祀伯也以夷禮故曰子然則九州之外其君皆子男也無朝貢之歲父死子立及嗣王即位乃一來耳各以其所貴寶為摯則蕃國之君無執玉瑞者是以謂其君為小賓臣為小客所貴寶見傳者若大戎獻白狼白鹿是也其餘則周書王會備焉見傳上賢遍反下直戀反

王之所以撫邦國諸侯者歲徧存三歲徧頌五歲徧省七歲屬象胥諭言語協辭命九歲屬瞽史諭書名聽聲音十有一歲達瑞節同度量成牢禮同數器修廢則十有二歲王巡守殷國

周禮

卷三

司寇刑官之職

十

承襄堂

撫猶安也存類省者王使臣於諸侯之禮所謂間問也歲者巡守之明歲以為始也屬猶聚也自五歲之後遂間歲徧省也七歲省而召其象胥九歲省而召其瞽史皆聚於天子之宮教習之也故書協辭命作叶詞命鄭司農云象胥譯官也叶當為汴詞當為辭書或為叶辭命玄謂胥讀為諧王制曰五方之民言語不通嗜慾不同達其志通其慾東方曰寄南方曰象西方曰狄鞮北方曰譯此官正為象者周始有越重譯而來獻是因通言語之官為象胥云諧謂象之有才知者也辭命六辭之命也瞽樂師也史太史小史也書各書之字也古曰各聘禮曰百名以上至十一歲又徧省焉度丈尺也量豆區釜也數器銓衡也灋八灋也則八則也達同成修皆謂齊其灋式行至則齊等之也成平也平其僭踰者也王巡守諸侯會者各以其時之方書曰遂觀東后是也其殷國則四方四時分來如平時屬章束反叶音協詞音辭譯音亦汁之十反又音協諧息敘反嗜市志反慾音欲鞮丁兮反重直龍反知音智齋子兮反

凡諸侯之王事辨其位正其等協其禮賓而見之

王事以王之事來也詩云莫敢不來王孟子曰諸侯有王

若有大喪則詔相諸侯之禮

詔相左右教告之也○相息亮反

若有四方之大事則受其幣聽其辭

四方之大事謂國有兵寇諸侯來告急者禮動不虛皆有贄幣以崇敬也受之以其事入告王也聘禮曰若有言則以束帛如

禮享

凡諸侯之邦交歲相問也殷相聘也世相朝也

小聘曰問殷中也久無事又於殷朝者及而相聘也父死子立口世凡君即位大國朝焉小國聘焉此皆所以習禮考異正刑一德以尊天子也必擇有道之國而就修之鄭司農說殷聘以春秋傳曰孟僖子如齊殷聘是也

周禮

卷三

上

派表堂

小行人掌邦國賓客之禮籍以待四方之使者

禮籍名位尊卑之書使者諸侯之臣使來者也。使色吏反之。

令諸侯春入貢秋獻功王親受之各以其國之籍禮之

貢六服所貢也功考績之功也秋獻之若今計文書斷於九月其舊法

凡諸侯入王則逆勞于畿

鄭司農云入王朝於王也故春秋傳曰宋公不王又曰諸侯有王王有巡守

及郊勞。眠館將幣為承而擯

眠館致館也承猶承也王使勞賓於郊致館於賓至將幣使宗伯為上擯皆為之丞而擯之

凡四方之使者大客則擯小客則受其幣而聽其辭

擯者擯而見之王使得親言也受其幣者受之以入告其所為來之事
使適四方協九儀賓客之禮朝覲宗遇會同君之禮也存覘省聘問臣之禮也

適之也 協合也

達天下之六節。山國用虎節。上國用人節。澤國用龍節。皆以金為之。道路用旌節。門關用符節。都鄙用管節。皆以竹為之。

此謂邦國之節也達之者使之四方亦皆齊法式以齊等之也諸侯使臣行類聘則以金節授之以為行道之信也虎人龍者自其國象也道路謂鄉遂大夫也都鄙者公之子弟及卿大夫之采地之吏也凡邦國之民遠出至他邦他邦之民若來入由國門者門人為之節由關者關人為之節其以徵令及家徒鄉遂大夫及采地吏為之節皆使人執節將之以達之亦有期以

反節管節如今之竹使符也其有商者通之以符節如門關門
關者與市聯事節可同也亦所以異於畿內也凡節有天子法
式存於國

成六瑞玉用璜圭公用桓圭侯用信圭伯用躬圭子用穀璧男用蒲璧

成平也瑞信也皆朝見所執以為信○璜吐電反

合六幣圭以馬璋以皮璧以帛琮以錦琥以繡璜以黼此六物者以和諸侯之好故

合同也六幣所以享也五等諸侯享天子用璧享后用琮其大各如其瑞皆有庭實以馬若皮皮虎豹皮也用圭璋者二王之後也二王後尊故享用圭璋而特之禮器曰圭璋特義亦通於此其於諸侯亦用璧琮耳子男於諸侯則享用琥璜下其瑞也

凡二王後諸侯相享之玉大小各降其瑞一等及使卿大夫頻聘亦如之○琮才宗反琥音虎璜音黃好呼報反

若國札喪則令賻補之若國凶荒則令調委之若國師役則令槁
禴之若國有福事則令慶賀之若國有旤裁則令哀弔之凡此五
物者治其事故

故書賻作傳槁為橐鄭司農云賻補之謂賻喪家補助其不足也若今時一室二尸則官與之棺也橐當為槁謂槁師也玄謂師役者國有兵寇以匱病者也使鄰國合會財貨以與之春秋定五年夏歸粟於蔡是也宗伯職曰以禮禮哀聞敗旤裁水火○槁若報反禴音會橐古老反

及其萬民之利害為一書其禮俗政事教治刑禁之逆順為一書
其悖逆暴亂作慝猶犯令者為一書其札喪凶荒厄貧為一書其

司豐

卷三 司寇刑官之職

三

承襲堂

康樂和親安平爲一書。凡此物者。每國辨異之。以反命于王。以周

知天下之故。

愚惡也。猶圖也。○
治直吏反樂音洛。

周禮卷三十七

終

周禮卷三十八

司寇刑官之職

司儀掌九儀之賓客擯相之禮。以詔儀容辭令揖讓之節。

言出接賓曰擯。入贊禮曰相。以詔者。以禮告王。

將合諸侯。則令爲壇三成。官旁一門。

合諸侯。謂有事而會也。爲壇于國外。以命事官。謂壇土以爲牆。處所謂爲壇壝宮也。天子春帥諸侯。拜日於東郊。則爲壇於國東。夏禮日於南郊。則爲壇於國南。秋禮山川丘陵。於西郊。則爲壇於國西。冬禮月四瀆。於北郊。則爲壇於國北。既拜禮而還。加

漢大司農北海鄭玄註

皇明後學東吳葛藁訂

方明於壇上而祀焉所以教尊尊也觀禮曰諸侯親於天子為
宮方三百步四門壇十有二尋深四尺是也王巡守殷國而同
則其為宮亦如此與鄭司農云三成三重也爾雅曰丘一成為
敦丘再成為陶丘三成為昆侖丘謂三重也壇惟祭反重直龍
反

詔王儀南鄉見諸侯土揖庶姓時揖異姓天揖同姓。

謂王既祀方明諸侯上介皆奉其君之旂置于宮乃詔王升壇
諸侯皆就其旂而立諸公中階之前北面東上諸侯東階之東
西南北上諸伯西階之西東面北上諸子門東北面東上諸男
門西北面東上王揖之者定其位也庶姓無親者也土揖推手
小下之也異姓婚姻也時揖平推手也備將軍文子曰獨居思
仁公善言義其聞詩也一日三復白圭之玷是南宮縚之行也
夫子信其仁以為異姓故妻之也天揖
推手小舉之。○縚吐刀反行下孟反

及其擯之各以其禮公於上等侯於中等子男於下等。

謂執玉而前見於王也擯之各以其禮者謂擯公者五人侯伯
四人子男三人也上等中等下等者謂所奠玉處也壇三成深
四尺則一等一天也壇十有二尋方九十六尺則堂上二丈四
尺每等丈二尺與諸侯各於其等奠玉降拜升成拜明臣禮也
既乃升堂
受王玉

其將幣亦如之其禮亦如之

將幣享也禮謂以鬱鬯
裸之也皆於其上

王燕則諸侯毛

謂以須髮坐也朝事尊尊上爵燕則親親上齒
鄭司農云謂老者在上也老者二毛故曰毛

凡諸公相為賓

謂相
朝也

主國五積三問皆三辭拜受皆旅擯再勞三辭三揖登拜受拜送
賓所停止則積間則問行道則勞其禮皆使卿大夫致之從
來至去數如此也三辭辭其以禮來於外也積問不言登受之
於庭也鄭司農云旅讀為旅於泰山之旅謂九人傳辭相授於
上下竟問賓從未上行介還受上傳之玄謂旅讀為鴻臚之臚
臚陳之也賓之介九人使者七人皆陳擯位不傳辭也賓之上
介出請使者則前對位皆當其末擯焉三揖謂庭中時也拜送
送使者○未上時掌
反下上傳上車同

主君郊勞交擯三辭車逆拜辱三揖三辭拜受車送三還再拜

主君郊勞備三勞而親之也鄭司農云交擯三辭謂賓主之擯
者俱三辭也車逆主人以車迎賓於館也拜辱賓拜謝辱也玄
謂交擯者各陳九介使傳辭也車逆拜辱者賓以主君親來乘
車出舍門而迎之若欲遠就之然後見之則下拜迎謝其自屈
辱來也至去又出車若欲遠送然主君三還辭之乃再拜送之
也車送迎之節各以其等則諸公九十步立當車軹也三辭重

者先辭辭其以禮來於外後辭辭升堂

致館亦如之

館舍也使大夫授之君又以禮親致焉

致殮如致積之禮

俱使大夫禮同也殮食也小禮曰殮大禮曰饗餼

及將幣交擯三辭車逆拜辱賓車進答拜三揖三讓每門止一相

及廟唯上相入賓三揖三讓登再拜授幣賓拜送幣每事如初賓

亦如之及出車送三請三進再拜賓三還三辭告辟

鄭司農云交擯擯者交也賓車進答拜賓上車進主人乃答其拜也及出車送三請主人三請留賓也三進進隨賓也賓三還

司豐 卷之六 司寇刑官之職 三 承襲堂

三辭告辟賓三還辭謝言已辟去也玄謂既三辭主君則乘車出大門而迎賓見之而下拜其辱賓車乃前下答拜也三揖者相去九十步揖之使前也至而三讓讓入門也相謂主君賓者及賓之介也謂之相者於外傳辭耳入門當以禮詔侑也介紹而傳命者君子以其所尊不敢質敬之至也每門止一相兩相親也君入門介拂闈大夫中棖與闈之間士介拂棖此為介雁行相隨也止之者絕行在後耳賓三揖三讓讓升也登再拜授幣授當為受主人拜至且受玉也每事如初謂享及有言也賓當為饋謂以鬱鬯禮賓也上於下曰禮敵者曰饋禮器曰諸侯相朝灌用鬱鬯無籩豆之薦謂此朝禮畢饋賓也三請三進請賓就車也主君每一請車一進欲遠送之也三還三辭主君一請者賓亦一還一辭○賓拜音擯下賓使者同辟劉薄歷反辟音避闈魚列反棖直與反行戶剛反

致饗餼還圭饗食致贈郊送皆如將幣之儀

此六禮者惟饗食速賓耳其餘主君親往親往者賓為主主人人為賓君如有故不親饗食則使大夫以酬幣侑幣致之鄭司

農云還圭歸其王也故公子重耳受殽反璧玄謂聘以圭璋禮也享以璧琮財也已聘而還圭璋輕財而重禮贈送以財既贈又送至于郊○音環食音嗣

賓之拜禮拜饗餼拜饗食

鄭司農云賓之拜禮者因言賓所當拜者之禮也所當拜者拜饗餼拜饗食玄謂賓將去就朝拜謝此三禮三禮禮之重者也賓既拜主君乃至館贈之去又送之于郊

賓繼主君皆如主國之禮

鄭司農云賓繼主君復主人之禮費也故曰皆如主國之禮玄謂繼主君者饋主君也饋之者主君郊勞致館饗餼還圭贈郊送之時也如其禮者謂玉帛皮馬也有饌陳之積者不如也若饗食主君及燕亦速焉○費芳味反

諸侯諸伯諸子諸男之相為賓也各以其禮相待也如諸公之儀

司禮 司寇刑官之職 四 承襄堂

賓主相待之儀與諸公同也饗餼
饗食之禮則有降殺○殺色界反
諸公之臣相為國客

謂相聘也

則三積皆三辭拜受

受者受之於庭也侯伯之臣不致積

及大夫郊勞旅擯三辭拜辱三讓登聽命下拜登受賓使者如初之儀及退拜送

登聽命賓登堂也賓當為擯勞用束帛擯用束錦侯伯之臣受勞於庭

致館如初之儀

如郊勞也不擯耳侯伯之臣致館于庭不言致殮者君於聘大夫不致殮也聘禮曰殮不致賓不拜及將幣旅擯三辭拜逆客辟三揖每門止一相及廟唯君相入三讓客登拜客三辟授幣下出每事如初之儀

客辟逡巡不答拜也惟君相入客臣也相不入矣拜主君拜客至也客三辟三退負序也每事享及有言

及禮私面私獻皆再拜稽首君各拜

禮以禮禮客私面私覲也既覲則或有私獻者鄭司農云說私面以春秋傳曰楚公子棄疾見鄭伯以其乘馬私面

出及中門之外問君客再拜對君拜客辟而對君問大夫客對君勞客客再拜稽首君答拜客趨辟

中門之外即太門之內也問君曰君不恙乎對曰使臣之來寡君命臣于庭問大夫曰二三子不恙乎對曰寡君命使臣于庭

司豐

卷三

司寇刑官之職

五

旅擯

致饗餼如勞之禮。饗食還圭。如將幣之儀。

饗食亦謂君不親而使大夫以幣致之。

君館客。客辟介受命。遂送。客從拜辱于朝。

君館客者。客將去。就省之。盡殷勤也。遂送。君拜以送客。○從才用反。

明日。客拜禮賜。遂行。如入之積。

禮賜。謂乘禽。君之加惠也。如入之積。則三積從來至去。○乘繩證反。

凡侯伯子男之臣。以其國之爵相為客而相禮。其儀亦如之。人三

爵。卿也。大夫也。士也。

凡四方之賓客。禮儀辭命餼牢賜獻。以二等從其爵而上下之。

上下。猶豐殺也。

凡賓客送逆同禮。

謂郊勞郊送之屬。

凡諸侯之交。各稱其邦而為之幣。以其幣為之禮。

幣。享幣也。於大國則豐。於小國則殺。主國禮之。如其豐殺。謂賄賂用束紡。禮用玉帛。乘皮及贈之屬。○稱尺證反。

凡行人之儀。不朝不夕。不正其主面。亦不肯客。

謂擯相傳辭時也。不正東鄉。不正西鄉。常視賓主之前。却得兩鄉之而已。

行夫掌邦國傳遽之小事。媿惡而禮者。凡其使也。必以旌節。雖道

有難而不時必達

傳據若今時乘傳騎驛而使者也美福慶也惡衰荒也此事之小者與禮行夫主使之道有難謂遭疾病他故不以時至也必達王命不可廢也其大者有禮大小行人使之有故則介傳命不嫌不達○傳張戀反遽其底反使色吏反難乃旦反傳直宣反

居於其國則掌行人之勞辱事焉使則介之

使謂大小行人也故書曰夷使鄭司農云夷使使於四夷則行夫主為之介玄謂夷發聲○焉劉音夷

環人掌送逆邦國之通賓客以路節達諸四方

通賓客以常事往來者也路節旌節也四方圻上

舍則授館令聚橐有任器則令環之

令令野廬氏也鄭司農云四方人有任器者則環人主令狗環守之○狗徐音循

凡門關無幾送逆及疆

鄭司農云門關不得苛留環人也玄謂環人送逆之則賓客出入不見幾○疆居良反

象筮掌蠻夷閩貉戎狄之國使掌傳王之言而諭說焉以和親之

謂蕃國之臣來賴聘者○閩亡巾反貉亡百反使所吏反

若以時入賓則協其禮與其辭言傳之

以時入賓謂其君以世一見來朝為賓者○見賢遍反

凡其出入送逆之禮節幣帛辭令而賓相之

從來至去皆為擯而相侑其禮儀○賓音償下同相息亮反

禮

司寇刑官之職

七

承讓堂

凡國之大喪。詔相國客之禮儀。而正其位。

客謂諸侯使臣來弔者

凡軍旅會同。受國客幣而賓禮之。

謂諸侯以王有軍旅之事使臣奉幣來問

凡作事。王之大事諸侯。次事卿。次事大夫。次事上士。下事庶子。

作使也。鄭司農云。王之大事諸侯使諸侯執大事也。次事卿使卿執其次事也。次事使大夫。次事使上士。下事使庶子。

掌客。掌四方賓客之牢禮餼獻飲食之等數。與其政治。

政治。治邦新殺禮之屬。

王合諸侯而饗禮。則具于有二牢。庶具百物備。諸侯長。十有再獻。

饗諸侯而用王禮之數者。以公侯伯子男盡在是。兼享之。莫敵用也。諸侯長。九命作伯者也。獻公侯以下。如其命數。○長知文。反敵丁。歷反。

王巡守殷國。則國君膳以牲犢。令百官百姓皆具。從者三公。眡上

公之禮。卿眡侯伯之禮。大夫眡子男之禮。士眡諸侯之卿禮。庶子

壹眡其大夫之禮。

國君者。王所過之國君也。饋。饋粟之犢也。以膳天子。貴誠也。牲。孕天子不食也。祭帝不用也。凡賓客則皆角尺令者。掌客令。主國也。百姓皆具。言無有不具備。○從才用反。

凡諸侯之禮。上公五積。皆眡殮牽。三問皆修。羣介行人宰史。皆有牢。殮五牢。食四十。簠十。豆四十。鉶四十。有。二壺。四十。鼎。簋十。有。二

禮

卷三

司寇刑官之職

八

承讓堂

牲三十有六皆陳。饗餼九牢。其歿牢如殮之陳。牽四牢。米百有二
十筥。醯醢百有二十。饗車皆陳。車米。生牢。牢十車。車乘有五。斂
車。禾。歿。歿。牢。十車。車三秬。芻薪倍禾。皆陳。乘禽。日九十雙。殷膳
大牢。以及歸。三饗。三食。三燕。若弗酌。則以幣致之。凡介行人宰史。
皆有殮。饗餼。以其爵等。為之。牢。禮之陳。數。唯上介有禽。獻。夫人。致
禮。八壺。八豆。八籩。膳大牢。致饗大牢。食大牢。卿皆見。以羔。膳大牢。
侯伯四積。皆。歿。殮。牽。再。問。皆。修。殮。四。牢。食。三十。有。二。簠。八。豆。三十。
有。二。銅。二十。有。八。壺。三十。有。二。鼎。簋。十。有。二。腥。二十。有。七。皆。陳。饗
餼。七。牢。其。歿。牢。如。殮。之。陳。牽。三。牢。米。百。筥。醯。醢。百。饗。皆。陳。米。三十。

車。禾。四十。車。芻。薪。倍。禾。皆。陳。乘。禽。日。七十。雙。殷。膳。大。牢。三。饗。再。食。
再。燕。凡。介。行。人。宰。史。皆。有。殮。饗。餼。以。其。爵。等。為。之。禮。唯。上。介。有。禽。
獻。夫。人。致。禮。八。壺。八。豆。八。籩。膳。大。牢。致。饗。大。牢。卿。皆。見。以。羔。膳。特。
牛。子。男。三。積。皆。歿。殮。牽。壹。問。以。修。殮。三。牢。食。二十。有。四。簠。六。豆。二。
十。有。四。銅。十。有。八。壺。二十。有。四。鼎。簋。十。有。二。牲。十。有。八。皆。陳。饗。餼。
五。牢。其。歿。牢。如。殮。之。陳。牽。二。牢。米。八十。筥。醯。醢。八十。饗。皆。陳。米。二。
十。車。禾。三十。車。芻。薪。倍。禾。皆。陳。乘。禽。日。五十。雙。壹。饗。壹。食。壹。燕。凡。
介。行。人。宰。史。皆。有。殮。饗。餼。以。其。爵。等。為。之。禮。唯。上。介。有。禽。獻。夫。人。
致。禮。六。壺。六。豆。六。籩。膳。歿。致。饗。親。見。卿。皆。膳。特。牛。

積皆視發牽謂所共如殮而牽牲以往不殺也不殺則無銅鼎
簠簋之實其米實于筐豆實實于簠其設筐陳于楹內簠陳于
楹外牢陳于門西車米禾芻薪陳于門外壺之有無未聞三問
皆修修脯也上公三問皆修下句云羣介行人宰史皆有牢君
用修而臣有牢非禮也蓋著脫字失處且誤耳殮客始至致小
禮也公侯伯子男殮皆餼一牢其餘宰則腥食者其庶羞美可
食者也其設蓋陳于楹外東西不過四列簠藉梁器也公十簠
堂上六西夾東夾各二也侯伯八簠堂上四西夾東夾各二子
男六簠堂上二西夾東夾各二豆菹醢器也公四十四豆堂上十
六西夾東夾各十二侯伯三十二豆堂上十二西夾東夾各十
子男二十四豆堂上十二西夾東夾各六禮器曰天子之豆二
十有六諸公十有六諸侯十有二上大夫八下大夫六以聘禮
差之則堂上之數與此同銅羹器也公銅四十二侯伯二十八
子男十八非衰差也二十八書或為二十四亦非也其於衰公
又當二十於言又為無施禮之大數銅少於豆推其衰公銅四
十二宜為三十八蓋近之矣則公銅堂上十八西夾東夾各
侯伯堂上十二西夾東夾各八子男堂上十西夾東夾各四麥
酒器也其設於堂夾如豆之數鼎牲器也簠黍稷器也鼎十有

二者餅一牢正鼎九與倍鼎三皆設于西階前簠十一者堂上
八西夾東夾各二合言鼎簠者牲與黍稷俱食之主也牲當為
腥聲之誤也腥謂腥鼎也於侯伯云腥二十有七其故腥子也
諸侯禮盛腥鼎有鮮魚鮮腊每牢皆九為列設下作階前公腥
鼎三十六腥四牢也侯伯腥鼎二十七腥三牢也子男腥鼎十
八腥二牢也皆陳陳列也殮門內之實備于是矣亦有車米禾
芻薪公殮五牢米二十車禾三十車侯伯四牢米禾皆二十車
子男三牢米十車禾二十車芻薪皆倍其禾養餼既相見致大
禮也大者既兼殮積有生有腥有孰餘又多也成牢如殮之陳
亦既一牢在西餘腥在東也牽生牢也陳于門西如積也米橫
陳于中庭十為列每管半斛公侯伯子男黍梁稻皆二行公稷
六行侯伯稷四行子男二行醢醢夾碑從陳亦十為列醢在碑
東醢在碑西皆陳於門內者於公門內之陳也言車者衍字耳
車米載米之車也聘禮曰十斗曰斛十六斗曰數十數曰秉每
車秉有五數則二十四斛也禾稟實并刈者也聘禮曰四秉曰
管十管曰稷十稷曰秬每車三秬則三十稷也稷猶束也禾禾
之秉管字同數異禾之秉手把耳管讀為棟招之招謂一稊也
皆陳橫陳門外者也米在門東禾在門西芻薪雖取數于禾薪

從米芻從禾也。乘禽乘行羣處之禽，謂雉雁之屬。於禮以雙為數，般中也。中又致膳，示念賓也。若勿酌，謂君有故不親饗，食燕也。不饗則以酬幣致之，不食則以侑幣致之。凡介行人宰史眾臣從賓者也。行人王禮，宰王具，史王書，皆有殮饗餼，再親君以及臣也。以其爵等為之。牢禮之數，陳爵卿也，則殮二牢，饗餼五牢。大夫也，則殮大牢，饗餼三牢。士也，則殮少牢，饗餼大牢也。此降小禮，豐大禮也。以命數則參差難等，略於臣用爵而已。夫人致禮助君養賓也。遵豆陳于戶，東壺陳于東序，凡夫人之禮皆使下大夫致之。於子男云膳視致饗，言夫人致膳於小國君，以致饗之禮，則是不復饗也。饗有壺酒，卿皆見者，見於賓也。既見之，又膳之，亦所以助君養賓也。卿見又膳，此聘禮。卿大夫勞賓，餼賓之類，與於子男云親見，卿皆膳，特牛見讀如卿皆見之見言卿於小國之君，有不故造館見者，故造館見者乃致膳。鄭司農說牽云牲可牽行者也，故春秋傳曰餼牽竭矣。耗讀為耗，枳麻咨之耗。○耗丁故反，乘繩證反。食音嗣，下食大牢，再食壹食。注不食同，見賢遍反。注下除相見見讀音同，餼而其反夾古洽反。劉古協反，下同。袁初危反，倍鼎音裴，行戶剛反。下文六行四行二行皆同。從子容反，摺音呂，臈才計反。參初林反，差初宜反。

復扶又反，勞老報反。造七報反，枳徐音姊。

凡諸侯之卿大夫士為國客，則如其介之禮以待之。

言其特來為問待之禮，如其為介時也。然則聘禮所以禮賓是亦禮介。

凡禮賓客，國新殺禮，凶荒殺禮，札喪殺禮，旣裁殺禮，在野在外殺禮。

皆為國省用愛費也。國新，新建國也。凶荒，無年也。旣裁，新有兵寇水火也。○為于偽反，費芳味反。

凡賓客死，致禮以喪用。

死則主人為之具而殯矣。喪用者，饋奠之物。

賓客有喪，惟芻稍之受。

周禮

卷三 司寇刑官之職

止

承慶堂

不受饗食饗食加也喪謂父母成也客則又有君焉芻給牛馬稍人稟也其正禮殮饗餼主人致之則受○稍所教反

遭王國之喪不受饗食受牲禮

牲亦當為腥聲之誤也有喪不忍煎烹正禮殮饗餼常熟者腥致之也

掌訝掌邦國之等籍以待賓客

等九儀之差數

若將有國賓客至則戒官修委積與士逆賓于疆為前驅而入

官謂牛八羊人舍人委人之屬訝士也既戒乃出迎賓

及宿則令聚橐

令令野廬氏

及委則致積

以王命致于賓

至于國賓入館次于舍門外待事于客

次如今官府門外更衣處待事于客通其所求索

及將幣為前驅

道之以如朝

至于朝詔其位入復及退亦如之

鄭司農云詔其位告客以其位次也入復客入則掌訝出復其故位也客退復入迎為之前驅至于館也玄謂入復者入告王以客至也退亦如之如其為前驅

凡賓客之治令訝訝治之。

賓客之治謂欲正其貢賦理國事也以告訝訝為如朝而理之。○為于偽反

凡從者出則使人道之。

從者凡介以下也。人其屬胥徒也使道賓客之從者營護之。○從才用反

及歸送亦如之。

如之者送至于竟如其前驅聚懷待事之屬。○竟音境

凡賓客諸侯有卿訝卿有大夫訝大夫有士訝士皆有訝。

此謂朝覲聘問之日王所使迎賓客于館之訝

凡訝者賓客至而往詔相其事而掌其治令。

○相息亮反

掌交掌以節與幣巡邦國之諸侯及其萬民之所聚者道王之德意志慮使咸知王之好惡辟行之。

節以為行信幣以見諸侯也咸皆也辟讀如辟忌之辟使皆知王之所好者而行之知王所惡者辟而不為。○好呼報反惡烏路反辟音避

使和諸侯之好。

有欲相與修好者則為和合之

達萬民之說。

說所喜也達者達之于王若其國君

月豐

司寇刑官之職

三

元豐三年

掌邦國之通事而結其交好。

通事謂朝覲聘問也。

以諭九稅之利。九禮之親。九牧之維。九禁之難。九戎之威。

諭告曉也。九稅所稅民九職也。九禮九儀之禮。九牧九州之牧。九禁九灋之禁。九戎九伐之戎。○難乃且反。

掌察

關

掌貨賄

關

朝大夫掌都家之國治。

都家。王子弟公卿及大夫之采地也。主其國治者。平理其來文書於朝者。

日朝以聽國事故以告其君長。

國有政令則令其朝大夫。
國事故天子之事當施於都家者也。告其君長使知而行之也。君謂其國君長其卿大夫也。○長丁丈反。

使以告其都家之吏。

凡都家之治於國者必因其朝大夫然後聽之唯大事弗因。

謂以小事文書來者朝大夫先平理之乃以告有司也。大事者非朝大夫所能平理。

凡都家之治有不及者則誅其朝大夫。

不及謂有稽殿之。○殿都練反。

在軍旅則誅其有司。

有司都司馬家司馬。

唐禮

卷五

十四

永懷堂

都則闕

都士闕

家士闕

八闕

小專文書來闕

因其大夫闕

大夫闕

周禮卷三十八終

